



REPUBLIKA E SHQIPËRISË

ZYRA E INSPEKTORIT TË LARTË TË DREJTËSISË
KOMITETI I EMËRIMIT DHE VLERËSIMIT TË INSPEKTORËVE

Nr. 1975/ Prot.

Tiranë, më 07.07.2022

V E N D I M

Nr. 35 datë. 07.07.2022

**“PËR NDALIMIN E KANDIDIMIT TË ZNJ. SONILA KOSOVA NË VENDIN
VAKANT PËR INSPEKTOR JOMAGJISTRAT, SHPALLUR NGA INSPEKTORI I
LARTË I DREJTËSISË MË DATË 30.09.2021”**

Komiteti i Emërimit dhe Vlerësimit të Inspektorëve i përbërë nga:

Z. Besnik Maho – Kryetar
Znj. Joana Asimi – Anëtar
Z. Julian Zonja- Anëtar

Asistuar nga Sekretariati teknik i përbërë nga:

Znj. Alma Zili
Znj. Eljona Bylykbashi
Znj. Jetmira Saraçi

Në mbledhjen e datës 07.07.2022, mori në shqyrtim çështjen që i përket:

Kandidates për inspektor jomagjistrat: Znj. Sonila Kosova

OBJEKTI: Urdhërimi i ndalimit të znj. Sonila Kosova, në vendin vakant për inspektor jomagjistrat, të shpallur nga Inspektori i Lartë i Drejtësisë në datën 30.09.2021.

Komiteti pasi u njoh me aktet si dhe bisedoi çështjen në tërësi,

VËREN:

I. Rrethanat e çështjes

1. Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, pikës 3 dhe 77, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrit nr. 7, datë 04.03.2020, të Inspektorit të Lartë të

Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", me njoftimin e datës 30.09.2021, në faqen zyrtare ka shpallur procedurën për 9 vende vakante për pozicionin e inspektorit jomagjistrat. Shpallja ka qenë e hapur për 30 ditë, periudhë gjatë së cilës do të administrohet kërkesa e të interesuarve, bashkë me dokumentacionin e renditur në shpallje.

2. Në përfundim të afatit të shpalljes, me urdhrin nr. 142, datë 29.10.2021 "Për fillimin e procedurës së përzgjedhjes së kandidatëve jomagjistratë për pozicionin e Inspektorit pranë Zyrës së Inspektorit të Lartë të Drejtësisë", të ndryshuar, Inspektori i Lartë i Drejtësisë ka ngritur Komitetin e Emërimit dhe Vlerësimit të Inspektorëve, si organi që do të zhvillojë procedurat përzgjedhëse për plotësimin e vendeve të shpallura.
3. Komiteti i Emërimit dhe Vlerësimit të Inspektorëve, në përfundim të afatit për paraqitjen e aplikimeve për shprehje interesi për kandidim datë 29.10.2021, zhvilloi mbledhjen e parë më datë 08.11.2021, ku vendosi për radhën e shqyrtimit të dosjes që i përket çdo kandidati dhe fillimin e procedurave të verifikimit, vlerësimit, pikëzimit dhe renditjes së kandidatëve që kanë shprehur interes për vendin vakant për Inspektor Jomagjistrat pranë Zyrës së Inspektorit të Lartë të Drejtësisë duke njoftuar në faqen zyrtare në rubrikën "Njoftime"; "Rekrutim Inspektorë Jo-Magjistratë" listën e personave të interesuar për vendin vakant dhe fillimin e shqyrtimit të aplikimeve të kandidatëve të shoqëruara me dokumentet e paraqitura prej tyre për përmbushjen e kushteve dhe kriterëve ligjore të përcaktuara në nenin 209 dhe nenin 211, pika 2 të ligjit nr. 115/2016 "Për organet e qeverisjes së sistemit të drejtësisë", i ndryshuar dhe të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit".
4. Znj. Sonila Kosova, si një ndër kandidatët që ka shprehur interesin nëpërmjet kërkesës me nr. 4008 prot., datë 29.10.2021 për vendin vakant të Inspektor jomagjistrat pranë Zyrës së Inspektorit të Lartë të Drejtësisë, është njoftuar me shkrim për tu paraqitur pranë Zyrës së Inspektorit të Lartë të Drejtësisë, për të vijuar me përmbushjen e procedurave të verifikimit të kandidaturës bazuar në detyrimet ligjore, të përcaktuara nga neni 209, neni 211, pika 2, të ligjit nr.115/2016 "Për organet e qeverisjes së sistemit të drejtësisë", të ndryshuar, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", si dhe urdhrin nr. 7, datë 04.03.2020, të Inspektorit të Lartë të Drejtësisë "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë". Njoftimi me shkrim, i kryer në rrugë elektronike në adresën e deklaruar nga vetë kandidati, gjendet i administruar në dosjen e kandidimit.

5. Në datën 09.11.2021, kandidati Sonila Kosova, është paraqitur pranë Zyrës së Inspektorit të Lartë të Drejtësisë dhe është pajisur me formularët e deklarimit dhe autorizimet që duhet të plotësohen për qëllimet e vijimit të procedurës së verifikimit të kandidaturës së tij. Kryerja e kësaj procedure vërtetohet nga nënshkrimi prej vetë kandidatit të Deklaratës përkatëse, e cila gjendet e administruar në dosjen e kandidimit.
6. Në datën 17.11.2021 kandidati Sonila Kosova ka depozituar tek sekretariati teknik, formularët e deklarimit dhe autorizimet përkatëse për qëllimet e vijimit të procedurës së verifikimit të kandidaturës së tij, të cilat gjenden të administruara në dosjen e kandidimit.
7. Për verifikimin e kushteve dhe kriterëve ligjore të kandidimit, lidhur me verifikimin dhe kontrollin e pasurisë, Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, si edhe në zbatim të seksionit A, të Kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jo magjistratë për pozicionin e inspektorit", me shpresën përcjellëse me nr. 4228 prot. datë 26.11.2021, i ka dërguar Inspektoratit të Lartë të Deklarimit dhe Kontrollit të Pasurisë dhe Konfliktit të Interesit (ILDKPKI), listën e kandidatëve dhe të personave të lidhur me ta, sikurse janë deklaruar prej vetë kandidatëve, që i nënshtrohen procedurës së deklarimit dhe kontrollit të pasurisë, si edhe kopjet e deklarave të nënshkruara nga secili prej tyre.
8. Inspektori i Lartë i Drejtësisë ka dërguar ILDKPKI-së listën e kandidatëve dhe personave të lidhur me ta që i nënshtrohen procedurës së verifikimit të kushteve dhe kriterëve të tjera ligjore të kandidimit sipas ligjit nr. 9049 datë 10.04.2003 "Për deklarimin dhe kontrollin e pasurive, të detyrimeve financiare të zgjedhurve dhe të disa nëpunësve publikë", ligjit nr.9367 date 07.04.2005 "Për parandalimin e konfliktit të interesave në ushtrimin e funksioneve publike" dhe ligjit nr. 115/2016 "Për organet e qeverisjes së Sistemit të Drejtësisë", të ndryshuar
9. Bashkëlidhur kësaj shkrese drejtuar ILDKPKI-së, ndërmjet të tjerave, është vendosur edhe Deklarata e nënshkruar nga kandidati Sonila Kosova, ku deklarohet se është pajisur me formularët e deklarimit dhe autorizimet që duhet të plotësohen për qëllimet e procedurës së verifikimit të kandidaturës së tij, si edhe data e nënshkrimit, nga e cila fillojnë të llogariten afatet e përcaktuara nga ligji për përmbushjen e detyrimeve ligjore të kandidatit për procedurën e verifikimit të kandidaturës.
10. Me shpresën nr. 4570/1 prot, datë 24.12.2021, prot ILDKPKI ka informuar Inspektorin e Lartë të Drejtësisë se kandidati Sonila Kosova, e ka përmbushur detyrimin për të dorëzuar të plotësuar pranë atij institucioni Deklaratën e Pasurisë dhe Interesave Privatë të Kandidatit për Pozicione të Ndryshme në Institucionet e Sistemit të Drejtësisë.
11. ILDKPKI, në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të

kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, me aktin nr. 654/26 prot., datë 31.01.2022, ka dërguar pranë Zyrës së Inspektorit të Lartë së Drejtësisë, rezultatet e kontrollit të ushtruar për kandidati Sonila Kosova dhe personat e lidhur me të.

12. Gjithashtu, në funksion të ushtrimit të kompetencave të tij për verifikimin e plotësimit të kushteve dhe kriterëve ligjore të kandidimit, për sa i përket kontrollit të pasurisë, si dhe në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, ky institucion kryen verifikime pranë subjekteve publike dhe private që lejon ligji, të të dhënave mbi pasuritë, interesat privatë dhe detyrimet financiare që ekzistojnë në emër dhe për llogari të kandidati Sonila Kosova dhe personave të lidhur me të si dhe administron/analizon të dhënat që dalin nga procesi i verifikimi të kriterit të pasurisë.
13. Për realizimin e veprimeve verifikuese të lidhura me kontrollin e pasurisë së kandidati Sonila Kosova, referuar aktit të përfundimit të kontrollit të deklaratës së pasurisë rezultojnë se ILDKPKI me shkresën nr. 654 prot., datë 02.12.2021, i është drejtuar me kërkesa për informacion lidhur me kandidatin Sonila Kosova institucioneve bankare: *Banka e Shqipërisë, Banka Raiffeisen sha, Banka Kombëtare Tregtare sha, Banka Intesa Sanpaolo sha, Banka Alpha sha, Banka Tirana sha, Banka e Bashkuar e Shqipërisë sha, Banka ProCredit sha, Banka e Parë e Investimeve sha, Banka Amerikane e Investimeve sha, Banka Credins sha, Banka Union sha, Banka OTP Albania sha, Raiffeisen Leasing sha, Porsche Leasing sha, RFZ Invest sha, Credins Invest sha, DPSHTRR, Qendra Kombëtare e Biznesit, DPT, ISSH, D.P Detare, DRT Tiranë, DRT Durrës, ASHK online.*
14. Për verifikimin e kushteve dhe kriterëve ligjore të kandidimit, të përcaktuara në nenin 209, pika 6, germa “a” dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, si edhe në zbatim të seksionit C, të Kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jo magjistratë për pozicionin e inspektorit", kandidati Sonila Kosova ka depozituar diplomën nr. 8205 datën 28.06.2004 të arsimit të lartë lëshuar nga Fakulteti i Drejtësisë, Universiteti i Tiranës, ku vërtetohet se ka marrë titullin “Jurist”. Kjo diplomë, referuar nenit 124/2 të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, ku parashikohet se diplomat e programeve të studimit, të lëshuara në Republikën e Shqipërisë, që kanë zgjatur, së paku, 4 vite akademike (8 semestra), sipas parimeve të procesit të Bolonjës, është ekuivalente me diplomat “Master i shkencave”. Gjithashtu, ka depozituar dhe DIND në Financë-Kontabilitet, në vitin 2019 lëshuar nga Fakulteti i Ekonomisë, Universiteti i Tiranës.
15. Për verifikimin e kushteve dhe kriterëve ligjore të kandidimit, lidhur me verifikimin dhe kontrollin e integritetit të kandidati Sonila Kosova, Inspektori i Lartë i Drejtësisë

i është drejtuar me kërkesë për informacion Drejtorisë së Sigurisë së Informacionit të Klasifikuar (*shkresa nr. 4268 prot, datë 02.12.2021*), Shërbimit Informativ të Shtetit (*shkresa nr. 4263 prot, datë 02.12.2021*), Agjencisë së Inteligjencës dhe Sigurisë së Mbrojtjes (*shkresa nr. 4265 prot, datë 02.12.2021*) dhe Shërbimit për Çështjet e Brendshme dhe Ankesat pranë Ministrisë së Brendshme (*shkresa nr.4269 prot, datë 02.12.2021*).

16. Drejtoria e Sigurisë së Informacionit të Klasifikuar, Shërbimi për Çështjet e Brendshme dhe Ankesat pranë Ministrisë së Brendshme, Shërbimit Informativ të Shtetit dhe Agjencisë së Inteligjencës dhe Sigurisë së Mbrojtjes kanë dërguar përgjigjet e tyre, përkatësisht (*me shkresën nr.28 prot., datë 06.01.2022, shkresën nr. 4620/2 prot., date 28.12.2021, shkresën nr.6711 /17 prot., datë 16.12.2021 dhe shkresën nr.1157 prot., datë 10.12.2021*).

17. Në mbështetje të nenit 209, pika 6, germave "b" dhe "d", të ligjit nr. 115/2016 "Për organet e qeverisjes së sistemit të drejtësisë", të ndryshuar, me shkresën me nr. 4264 prot., datë 02.12.2021 është kërkuar informacion që lidhet me integritetin e secilit prej kandidatëve pranë Prokurorisë së Posaçme kundër Korrupsionit dhe Krimin të Organizuar, me shkresën nr. 4260 prot., datë 02.12.2021 Prokurorisë të Përgjithshme dhe me shkresën nr. 4261 prot., datë 02.12.2021 Drejtorisë të Përgjithshme të Burgjeve, lidhur me:

- Çdo të dhënë apo indicie të ardhur nga agjencitë ligjzbatuese për fillimin e hetimeve në lidhje me dyshimet e ngritura në kuptimin të ligjit material dhe procedural mbi të cilin ushtron veprimtarinë ky institucion kushtetues;
- Kopje të dokumentacionit që përmban të dhëna në rastet e identifikimit të kandidatit jo magjistratë në kontakte me persona të papërshtatshëm (anëtarë të organizatave kriminale, persona të dënuar penalisht apo persona të dyshuar për kryerjen e veprave penale), ku përfshihen edhe biseda, foto, vëzhgime takimesh apo kontakte telefonike;
- Nëse janë zhvilluar ndaj tyre procese gjyqësore të karakterit penal, dhe rezultojnë të dënuar, për efekt të gjendjes gjyqësore.

18. Informacioni i kërkuar për sa më sipër, është përcjellë në Zyrën e Inspektorit të Lartë të Drejtësisë me shkresën nr. 9874/1 prot., datë 14.12.2021 të Prokurorisë së Posaçme kundër Korrupsionit dhe Krimin të Organizuar, shkresën nr. 13028/1 prot., datë 10.12.2021 të Drejtorisë të Përgjithshme të Burgjeve dhe shkresën nr. 1689/4 prot., datë 10.12.2021 të Prokurorisë të Përgjithshme.

19. Për verifikimin e kushteve dhe kriterëve ligjore të kandidimit, që kanë të bëjnë me përvojën profesionale si "Jurist", jo më pak se pesëmbëdhjetë vite punë në çastin e kandidimit, në zbatim të nenit 209, pika 6, germa "c", e ligjit nr. 115/2016 "Për organet e qeverisjes së sistemit të drejtësisë", Inspektori i Lartë i Drejtësisë i është drejtuar me kërkesë për informacion Institutit të Sigurimeve Shoqërore me *shkresën nr. 4259 prot, datë 02.12.2021 dhe me shkresën nr. 214 prot, datë 27.01.2022, në lidhje me periudhën*

e derdhjes të kontributeve të sigurimeve shoqërore. Instituti i Sigurimeve Shoqërore ka kthyer përgjigje me shkresën nr. 7674/1 prot, datë 13.12.2021, shkresën nr. 12854/1 prot, datë 16.12.2021 dhe me shkresën nr. 1108/1 prot, datë 10.02.2022.

20. Gjithashtu, për këtë rast kandidimi, u vlerësua t'i drejtohem me kërkesë për informacion Dhomës Kombëtare të Avokatisë me nr. 4266 prot., datë 02.12.2021. Kërkesa është bërë në mbështetje të nenit 209, pika 6, germa "ç", e ligjit nr. 115/2016 "Për organet e qeverisjes së sistemit të drejtësisë", të ndryshuar dhe seksionit C të kreut IV, të vendimit nr. 536, date 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", duke kërkuar nëse kandidati, në mënyre aktive, ka ushtruar profesionin e avokatit të paktën në dy vitet e fundit.

Dhoma Kombëtare e Avokatisë është përgjigjur me shkresën nr. 333 prot., datë 22.12.2021 (informacion i cili është administruar në dosjen e kandidatit).

21. Gjithashtu, lidhur me kriterin e përcaktuar në nenin 209, pika 6, germa "d" të ligjit nr. 115/2016 "Për organet e qeverisjes së sistemit të drejtësisë", të ndryshuar është dërguar shkresa nr.4261, datë 02.12.2021 në Drejtorinë e Përgjithshme të Burgjeve, ku është kërkuar informacion nëse kandidati është dënuar më parë me vendim gjyqësor të formës së prerë për kryerjen e një vepre penale. Drejtoria e Përgjithshme e Burgjeve ka kthyer përgjigje pranë Zyrës së Inspektorit të Lartë të Drejtësisë me shkresën nr. 13028/1 prot., datë 10.12.2021.

22. Gjithashtu, lidhur me verifikimin dhe kontrollin e integritetit, në zbatim të nenit 209, pika 6, germa "e", të ligjit nr. 115/2016 "Për organet e qeverisjes së sistemit të drejtësisë", të ndryshuar, dhe pikës 62, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", Inspektori i Lartë i Drejtësisë i është drejtuar Autoritetit për Informim mbi Dokumentet e ish - Sigurimit të Shtetit nëse secili kandidat, përfshihet në rastin e posaçëm të nenit 209, pika 6, germa "e", e ligjit nr. 115/2016 "Për organet e qeverisjes së sistemit të drejtësisë", të ndryshuar: "e) ka qenë ose jo anëtar, bashkëpunëtor ose të favorizuar nga ish-Sigurimi i Shtetit para 2 korrikut 1991" apo në njërin nga rastet e pikës 2, të nenit 29, të ligjit nr. 45/2015 "Për të drejtën e informimit për dokumentet e ish-sigurimit të shtetit të Republikës Popullore Socialiste të Shqipërisë."

Me shkresën nr. 4262 prot, datë 02.12.2021, Zyra e Inspektorit të Lartë të Drejtësisë, ka dërguar formularin e aplikimit përkatës të plotësuar sipas ligjit nga kandidati i sipërcituar, për kompetencë dhe shqyrtim Autoritetit për Informimin mbi Dokumentet e Ish-Sigurimit të Shtetit.

23. Autoriteti për Informimin mbi Dokumentet e Ish-Sigurimit të Shtetit, me shkresën nr. 1886/1 prot, datë 31.12.2021 ka dërguar pranë Zyrës së Inspektorit të Lartë të Drejtësisë, informacionin, i cili është bashkëngjitur praktikës së kandidatit (*Vendim nr.544, datë 29.12.2021* i Autoritetit për Informimin mbi Dokumentet e Ish-Sigurimit të Shtetit).
24. Në vijim të procedurave të verifikimit që lidhet me integritetin e kandidatëve për inspektor jomagjistratë si dhe për të shmangur çdo lloj konflikti interesi që bie ndesh me nenin 209, pika 6, germa "dh", "ë" dhe "f" të ligjit nr.115/2016 "Për organet e qeverisjes të sistemit të drejtësisë", është njoftuar zyrtarisht secili kandidatë që të plotësojë formularët përkatës që lidhen me:
- mospasjen e funksione politike në administratën publike, ose pozicione drejtuese në parti politike gjatë 10 vjetëve të fundit përpara kandidimit;
 - mosqenien bashkëpunëtorë, informatorë ose agjentë të ndonjë shërbimi sekret;
 - mosqenien anëtarë të organeve drejtuese të ndonjë grupi interesi, të tilla si shoqata ose sindikata etj., në kohën e kandidimit.

Për sa i takon kandidatit Sonila Kosova, është paraqitur në ambientet e Inspektorit të Lartë të Drejtësisë dhe ka dorëzuar të plotësuar secilin prej formularëve të mësipërm.

25. Në përfundim të veprimeve dhe procedurave të kontrollit dhe verifikimit, në zbatim të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, pikës 27 e vijues të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", urdhrit nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Komiteti ka proceduar me përgatitjen e relacionit përkatës mbi gjendjen e faktit dhe të ligjit të zbatueshëm.
26. Në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, të C, të Kreut IV vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", Urdhrit nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Kryetari i Komitetit të Emërimit dhe Vlerësimit të Inspektorëve ka thirrur mbledhjen e Komitetit duke njoftuar anëtarët për zhvillimin e saj në datën 06.07.2022, rendin e ditës, si edhe duke i bashkëlidhur njoftimit materialet e çështjes. Në rendin e ditës është përfshirë edhe çështja me objekt shqyrtimin e aplikimit të

kandidimit të znj. Sonila Kosova, për vendin vakant për inspektor jomagjistrat në Zyrën e Inspektorit të Lartë të Drejtësisë.

II. Vlerësimi i Komitetit

27. Komiteti i Emërimit dhe Vlerësimit të Inspektorëve, duke u bazuar në dispozitat ligjore dhe ato nënligjore normative të zbatueshme për çështjen në shqyrtim, si edhe në rrethanat e faktit që rezultojnë nga aktet që përmban dosja e kandidimit, vlerëson se duhet të procedojë me vendim për ndalimin e kandidimit të kandidatit Sonila Kosova për vendin vakant për Inspektor jomagjistrat pranë Zyrës së Inspektorit të Lartë të Drejtësisë.
28. Në ligjin nr.115/2016 " Për organet e qeverisjes së sistemit të drejtësisë", të ndryshuar konkretisht në nenin 209, në pikën 6, përcaktohen "Kushtet për inspektor jomagjistrat", si vijon:
- 6. Kandidatët për inspektorë, të cilët nuk janë magjistratë, duhet të plotësojnë kushtet e mëposhtme:*
- a) të jenë shtetas shqiptarë me diplomë të nivelit të dytë në drejtësi dhe me rezultate të larta në studimet universitare;*
 - b) të kenë integritet të lartë moral dhe përgatitje të lartë profesionale;*
 - c) në kohën e kandidimit, të kenë përvojë pune si jurist, të paktën 15 vjet;*
 - ç) në kohën e kandidimit, të mos kenë ushtruar në mënyrë aktive profesionin e avokatit të paktën 2 vitet e fundit;*
 - d) të mos kenë qenë dënuar më parë me vendim gjyqësor të formës së prerë për kryerjen e një krimi;*
 - dh) të mos kenë mbajtur funksione politike në administratën publike, ose pozicione drejtuese në parti politike gjatë 10 vjetëve të fundit përpara kandidimit;*
 - e) të mos kenë qenë anëtare, bashkëpunëtorë ose të favorizuar nga ish-Sigurimi i Shtetit para 2 korrikut 1991;*
 - ë) të mos jenë bashkëpunëtorë, Informatorë ose agjentë të ndonjë shërbimi sekret;*
 - f) të mos jenë anëtarë të organeve drejtuese të ndonjë grupi interesi, të tilla si shoqata ose sindikata etj., në kohën e kandidimit;*
29. Përsa i përket procedurës së verifikimit të pasurisë, në përfundim të veprimeve të kontrollit të ushtruar nga ana ILDKPKI-së, në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", me aktin nr. 654/26 prot., datë 31.01.2022, ka dërguar pranë Zyrës së Inspektorit të Lartë të Drejtësisë, rezultatet e përfundimit të kontrollit të ushtruar për kandidatin Sonila Kosova dhe personat e lidhur me të.
30. Në përfundim të analizës së hollësishme financiare të kryer mbi bazën e gjetjeve të siguruar nga informacionet e dërguara nga institucione publike dhe subjekte private,

lidhur me deklarinimin e pasurisë dhe interesave private të kandidatit Sonila Kosova, ILDKPKI në raportin e paraqitur ka ardhur në përfundimet se:

- a) **deklarimi nuk është i saktë në përputhje me ligjin;**
- b) ka burime financiare të ligjshme për të justifikuar pasurinë;
- c) nuk ka kryer fshehje të pasurisë;
- d) nuk ka kryer deklarinim të rremë;
- e) subjekti nuk gjendet në situatën e konfliktit të interesave.

31. Sikurse rezulton nga akti i përfundimi të kontrollit të pasurisë me nr. 654/26 prot., datë 31.01.2022, për kandidaten Sonila Kosova, gjetjet dhe përfundimet e ILDKPKI-së janë në disfavor të saj, sa i takon plotësimin të kriterin e pasurisë ka probleme me kriterin e pasurisë në një aspekt që lidhet me deklarinim jo të saktë dhe në përputhje me ligjin.

32. Bazuar në përgjigjen e dhënë nga ILDKPKI me aktin nr. 654/26 prot., datë 31.01.2022, Komiteti ka vendosur me aktin nr.4228/12, datë 23.02.2022, që t'i përcillen zyrtarisht kandidatit Sonila Kosova, rezultatet e kontrollit të pasurisë për sa më sipër duke i lënë një afat prej 15 (pesëmbëdhjetë) ditësh për të dhënë sqarime dhe dokumentacion shtesë, me qëllim për të kundërshtuar gjetjet e ILDKPKI. Njoftimi i rezultatit të kontrollit të pasurisë i është njoftuar kandidatit Sonila Kosova me e-mail datë 23.02.2022 (i cili administrohet në dosjen e aplikimit të kandidatit).

33. Me shkresën nr. 481, datë 01.03.2022 dhe shkresën nr.481/1, datë 03.03.2022, kandidati Sonila Kosova dorëzoi në Zyrën e Inspektorit të Lartë të Drejtësisë, informacion sqarues në lidhje me të dhënat pronësore që kanë të bëjnë me kriterin e pasurisë, në formën e llogarive bankare, pasurive të luajtshme dhe të paluajtshme të cilat sipas kandidatit janë deklaruar konform ligjit dhe nuk ka asnjë parregullsi si dhe dokumentacionin shoqëruar që përbëhet nga:

- *Shpjegime dhe dokumente mbi rezultatet e kontrollit dhe nevojave të verifikimit të mëtejshëm të pasurisë, datë 01.03.2022;*
- *Sqarime dhe dokumente justifikues mbi deklaratën e pasurive, datë 16.10.2019;*
- *Pagesa e sigurimeve dhe pagesa në Bankën Intesa San Paolo për N.K;*
- *Kontratë Kredi Bankare Afatgjatë për shtëpi me nr.1998 Rep dhe nr.799 Kol, datë 19.09.2011;*
- *Kontratë Shit-Shitblerje me kusht Kreditimi nga Banka me nr.1876 Rep dhe nr.742 Kol, datë 02.09.2011;*
- *Inventar nr.extra prot, datë 17.10.2019;*
- *Kontratë Hipotekimi me nr.1999 Rep dhe me nr.800 Kol, datë 19.09.2011;*
- *Certifikatë për Vërtetim Pronësie, Zona Kadastrale nr.8130, numër pasurie 5/3+2-19, Vol 7, Faqe 243;*
- *Sqarime datë 24.12.2021 për deklarinimin e pasurisë;*
- *Deklaratë e N.K, nëna e bashkëshortit datë 19.01.2022;*
- *Deklaratë e N.K, nëna e bashkëshortit datë 27.02.2022;*
- *Kontratë pune e nënshkruar vetëm nga N.K*

34. Komiteti pasi ka administruar dokumentacionin e dorëzuar për sa më sipër nga kandidati Sonila Kosova, konkludon se ky dokumentacion ka qenë pjesë e hetimit administrativ që ka ndërmarrë ILDKPKI, ku për sa i takon kandidatin Sonila Kosova, rezultatet e kontrollit të kryer i ka përcjellë nëpërmjet shkresës nr. 658/26 prot., datë 31.01.2022 pranë ILD-së.
35. Në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë së kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", Inspektori i Lartë i Drejtësisë me shkresën nr.481/7 prot., datë 01.04.2022, ju drejtua sërish ILDKPKI-së, lidhur me kontrollin e pasurisë dhe interesave private të kandidatit Sonila Kosova, duke i përcjellë këtij institucioni sqarimet dhe dokumentet shoqëruese të znj. Sonila Kosova, sa më sipër.
36. ILDKPKI me shkresën nr.4570/12, datë 22.04.2022 ka përcjellë aktin nr.658/27, datë 21.04.2022 mbi përfundimin e kontrollit të pasurisë Bazuar në aktin 658/27, datë 21.04.2022 ILDKPKI-së, mbas rivlerësimit të dokumentacionit të dërguar nga ILD, rezulton se kandidati Sonila Kosova, ka probleme me kriterin e pasurisë në një aspekt që lidhet me deklarimin jo të saktë dhe në përputhje me ligjin.
37. Për këto arsye, në zbatim të nenit 209 dhe nenit 211, pika 2, të ligjit nr.115/2016 " Për organet e qeverisjes së sistemit të drejtësisë", të ndryshuar, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë së kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrit nr. 7, datë 04.03.2020, të Inspektorit të Lartë të Drejtësisë "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë" Komiteti vjen në përfundimin se kandidati Sonila Kosova nuk ka "kaluar me sukses procesin e kontrollit dhe verifikimit të pasurisë së tij personale dhe të familjarëve të tij". **Për rrjedhojë, për sa më sipër, ky kandidat gjendet në kushtet e ndalimit të kandidimit për sa i përket kriterit të verifikimit të pasurisë.**
38. Në lidhje me kushtin e kandidimit të parashikuar nga neni 209, pika 6, germa "a" e ligjit nr. 115/2016, pra që kandidati të "a) të jetë shtetas shqiptarë me diplomë të nivelit të dytë në drejtësi dhe me rezultate të larta në studimet universitare;" nga dokumentacioni i shqyrtuar rezulton se kandidati Sonila Kosova, ka depozituar diplomën nr. 4608 datën 28.06.2004 të arsimit të lartë lëshuar nga Fakulteti i Drejtësisë, Universiteti i Tiranës, ku vërtetohet se ka marrë titullin "Jurist", si dhe DIND në Financë-Kontabilitet, në vitin 2019 lëshuar nga Fakulteti i Ekonomisë, Universiteti Tiranës. Në zbatim të ligjit nr. 80/2015 ky lloj arsimimi kualifikohet si arsim i lartë juridik, Diplomë e Nivelit të Dytë. Për rrjedhojë kandidati Sonila Kosova nuk gjendet në kushtet e ndalimit të kandidimit sipas dispozitave të sipërcituara.

39. Lidhur me kushtin e kandidimit të parashikuar nga neni 209, pika 6, germa "b" e ligjit nr. 115/2016, pra që kandidati "b) të kenë integritet të lartë moral dhe përgatitje të lartë profesionale". Nga aktet e administruara në dosjen e aplikimit, si dhe bazuar në rezultatet e arritura nga kandidati si në arsim të lartë ku ka fituar titullin "Jurist" ashtu edhe në Master Shkencor, kandidati Sonila Kosova e plotëson këtë kriter.
40. Lidhur me verifikimin dhe kontrollin e integritetit, kandidati Sonila Kosova ka dorëzuar në afat formularin e vetëdeklarimit sipas ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", të cilin, Inspektori i Lartë i Drejtësisë ia ka përcjellë për verifikim dhe kompetencë sipas ligjit Prokurorisë së Posaçme kundër Korrupsionit dhe Krimit të Organizuar dhe Prokurorisë së Përgjithshme.
41. Në mbështetje të nenit 209, pika 6, germa "b" dhe "d", të ligjit nr. 115/2016 "Për organet e qeverisjes së sistemit të drejtësisë", të ndryshuar, me shkresën me nr. 4264 prot., datë 02.12.2021 është kërkuar informacion që lidhet me integritetin e secilit prej kandidatëve pranë Prokurorisë së Posaçme kundër Korrupsionit dhe Krimit të Organizuar. Me shkresën me nr. 9874/1 prot., datë 14.12.2021, kjo Prokurori ka dërguar informacionin se për znj. Sonila Kosova, kandidat për pozicionin e inspektorit jomagjistrat, nuk rezultojnë të jetë regjistruar ndonjë procedim penal.
42. Prokuroria e Përgjithshme, me shkresën nr. 1689/22 prot., datë 14.12.2021, ka dërguar pranë Inspektorit të Lartë të Drejtësisë rezultatet e kontrollit të ushtruar për kandidatin Sonila Kosova, janë kryer në bazë të vendimit të datës 13.12.2021. Në bazë të pikës 4.2.2 të vendimit të sipërcituar, mbahet qëndrimi se *"indiciet, të dhënat apo faktet që i atribuohen personit/subjektit të ligjit për dënime penale, masa sigurimi personal, urdhër kërkimi ndërkombëtar apo dëbime nga territori i një shteti, janë të domosdoshme ligjërish, pasi vetëm mbi bazë të tyre mund t'i kërkohet autoriteteve të huaj policore dhe gjyqësore, informacion dhe dokumenta, nga të cilat mund të paraqiten rrethana që përfshihen brenda ndalimeve të parashikuara nga ligji nr. 138/2015"*. Për këtë shkak, Prokuroria e Përgjithshme ka vendosur mospranimin e kërkesës të ILD-së, për verifikim të të dhënave të pasqyruara në Formularin e Vetëdeklarimit të datës 15.11.2021 personi/subjekti Sonila Kosova kandidat për pozicionin e inspektorit jomagjistrat pranë Zyrës së Inspektorit të Lartë të Drejtësisë.
43. Referuar nenit 209, pika 6, germa "b" të ligjit nr. 115/2016, Komiteti vjen në përfundimin se kandidati Sonila Kosova, krahas plotësimit të saktë formularit të vetëdeklarimit, nuk u vu në dijeni të ndonjë indicieje, të dhëne apo fakteve që i atribuohen këtij kandidati për dënime penale, masa sigurimi personal, urdhër kërkimi ndërkombëtar apo dëbime nga territori i një shteti. Për rrjedhojë, lidhur me këtë kriter, ky kandidat nuk gjendet në kushtet që mund të sjellin ndalimin e kandidimit.
44. Referuar shkronjës "b" e nenit 209, pika 6, të ligjit nr. 115/2016, Komiteti vjen në përfundimin se kandidati Sonila Kosova, krahas plotësimit të saktë formularit të vetëdeklarimit, nuk është dënuar më parë për kryerjen e ndonjë vepre penale dhe nuk është

regjistruar asnjë procedim penal. Për rrjedhojë, lidhur me këtë kriter, ky kandidat nuk gjendet në kushtet që mund të sjellin ndalimin e kandidimit.

45. Gjithashtu, për të verifikuar çdo të dhënë tjetër që lidhet me integritetin, bazuar nën 209, pika 6, germa "b" të ligjit nr. 115/2016 Komiteti verifikoi, nëpërmjet informacionit të sjellë sipas ligjit nga organet kompetente ligjzbatuese si Drejtoria e Sigurimit të Informacionit të Klasifikuar, Shërbimi Informativ i Shtetit, Agjencia e Inteligjencës dhe Sigurisë së Mbrojtjes dhe Shërbimi i Kontrollit të Çështjeve të Brendshme dhe Ankesave pranë Ministrisë së Brendshme, nëse kandidati *"ka lidhje ose kontakte të papërshtatshme me personat e përfshirë në krimin e organizuar ose me persona të dyshuar të krimit të organizuar"*.

Ky verifikim përbën standardin kushtetues dhe ligjor tashmë të vendosur për figurën dhe integritetin e funksionarëve kushtetues të sistemit të drejtësisë, përpara zgjedhjes dhe gjatë ushtrimit të funksionit, pas ndryshimeve të Kushtetutës në vitin 2016, duke pasur parasysh ato të përcaktuara edhe në nenin DH të Aneksit të Kushtetutës, si edhe në ligjet e tjera të nxjerra në pajtim me të, përfshirë ligjin nr. 84/2016, pra mbi të njëjtat standard dhe interpretim të këtij kriteri në procesin e rivlerësimit kalimtar të gjyqtarëve dhe prokurorëve.

46. Shërbimi i Kontrollit të Çështjeve të Brendshme dhe Ankesave pranë Ministrisë së Brendshme me shkresën nr.4620/2 prot., date 28.12.2021, ka përcjellë pranë Zyrës së Inspektorit të Lartë të Drejtësisë, informacionin e kërkuar, të cituar më sipër, nga ku rezulton se, në lidhje me kandidatin Sonila Kosova:

"a) Nuk figurojnë të evidentuar për veprimtari kriminale, apo të kenë lidhje kontakte të papërshtatshme me persona të përfshirë me krimin e organizuar në ngarkim të znj. Sonila Kosova."

47. Drejtoria e Sigurimit të Informacionit të Klasifikuar, me shkresën nr.28 prot., datë 06.01.2022, ka përcjellë pranë Inspektorit të Lartë të Drejtësisë informacionin e klasifikuar e të përpunuar sipas standardeve ligjore dhe profesionale për këtë kategori informacionesh, të dërguara nga agjencitë ligjzbatuese të cituara më sipër, nga ku rezulton se, në lidhje me kandidatin Sonila Kosova:

"a) Nuk disponon të dhëna informacione për përfshirjen në veprimtari që çenojnë sigurinë kombëtare apo aktivitete të kundërligjshme dhe që bien në kundërshtim me kërkesat e nenit 38 të ligjit nr.84, të vitit 2016 "Për rivlerësimin kalimtar të gjyqtarëve dhe prokurorëve në Republikën e Shqipërisë dhe pikën 66, gerrat a) dhe c) të VKM nr. 536, datë 25.07.2019 "Për krijimin e kushteve për Inspektorin e Lartë të Drejtësisë për verifikimin e plotë të kushteve dhe kriterëve ligjore, verifikimin e figurës dhe të pasurisë të kandidatëve jo magistratë për pozicionin e inspektorit në ngarkim të znj. Sonila Kosova."

48. Shërbimi Informativ i Shtetit, me shkresën nr.6711/17 prot., datë 16.12.2021, ka përcjellë pranë Inspektorit të Lartë të Drejtësisë informacionin e klasifikuar e të përpunuar sipas standardeve ligjore dhe profesionale për këtë kategori informacionesh, të dërguara nga agjencitë ligjzbatuese të cituara më sipër, nga ku rezulton se, në lidhje me kandidatin Sonila Kosova.

“a) Nuk disponohen të dhëna dhe informacione për përfshirje në veprimtari që cenojnë sigurinë kombëtare, apo aktivitete të kundërligjshme në ngarkim të znj. Sonila Kosova.”

49. Agjencia e Inteligjencës dhe Sigurisë së Mbrojtjes, me shkresën nr.1157 prot., datë 10.12.2021, ka përcjellë pranë Inspektorit të Lartë të Drejtësisë informacionin e klasifikuar e të përpunuar sipas standardeve ligjore dhe profesionale për këtë kategori informacionesh, të dërguara nga agjencitë ligjzbatuese të cituara më sipër, nga ku rezulton se, në lidhje me kandidatin Sonila Kosova:

“a) Nuk disponohen të dhëna dhe informacione për përfshirje në veprimtari që cenojnë sigurinë kombëtare, apo aktivitete të kundërligjshme në ngarkim të znj. Sonila Kosova.”

50. Komiteti i Emërimit dhe Vlerësimit të Inspektorëve, bazuar në njohjen dhe shqyrtimin e informacionit të klasifikuar të dërguar nga agjencitë ligjzbatuese, vjen në përfundimin se, edhe për këtë kriter, në zbatim të nenit 209, pika 6, germa “b” të ligjit nr. 115/2016, ky kandidat, nuk gjendet në kushtet që sjellin ndalimin e kandidimit.

51. Lidhur me kushtin e kandidimit të parashikuar nga neni 209, pika 6, germa “c”, e ligjit nr. 115/2016, pra që kandidatët “c) në kohën e kandidimit, të kenë përvojë pune si jurist, të paktën 15 vjet”, nga dokumentacioni i shqyrtuar, gjatë procesit të verifikimit rezultoi se kandidati nga jetëshkrimi, vërtetimi i lëshuar nga DRSSH si dhe librezja e punës, vërtetohet se ka këtë përvojë pune:

- Specialist i Përfaqësimit Ligjor, Ministria e Brendshme për periudhën 22 Prill 2005-23 Dhjetor 2005;
- Kontrollor II, Kontrolli i Lartë i Shtetit për periudhën 1 Tetor 2006- 2 Tetor 2007;
- Përgjegjës Sektori, Drejtoria Juridike, Ministria e Shëndetësisë për periudhën 3 Tetor 2007-22 Gusht 2008;
- Jurist, Autoriteti Shëndetësor Rajonal Tiranë për periudhën 1 Shtator 2008-1 Shkurt 2010;
- Jurist, Dhoma e Tregtisë dhe Industrisë, Tiranë për periudhën 1 Shkurt 2010-2 Mars 2010;
- Shef i Sektorit të Shërbimeve Juridike, Dhoma e Tregtisë dhe Industrisë për periudhën 02 Mars 2010- 7 Qershor 2013;
- Jurist “Masel Security” për periudhën 17 Maj 2013-13 Mars 2014;
- Jurist “Kevin Constuction shpk” për periudhën 20 Mars 2014-12 Qershor 2014;
- Jurist “Sheldia Group” për periudhën 1 Korrik 2014-1 Tetor 2015;
- Jurist “Ledion GJ” për periudhën 10 Mars 2016-31 dhjetor 2017;
- Përgjegjës Burime Njerëzore, Q.E.ZH.E.F Bashkia Tiranë për periudhën 26 Janar 2017-14 Nëntor 2017;
- Operator pranë Ministrisë të Shtetit për Diasporën, Kryeministria për periudhën 05 Shkurt 2018-15 Korrik 2018;

- Përgjegjës i Sektorit të Diasporës, Agjensia Kombëtare e Diasporës për periudhën 18 Korrik 2018-11 Qershor 2019;
- Përgjegjës i Sektorit të Konkencioneve dhe PPP, Ministria e Arsimit, Sportit dhe e Rinisë për periudhën 11 Qershor 2019-7 Janar 2020;
- Përgjegjës i Sektorit të Diasporës, Agjensia Kombëtare e Diasporës për periudhën 8 Janar 2020-22 Janar 2020;
- Përgjegjës i Sektorit të Konkencioneve dhe PPP, Ministria e Arsimit Sportit dhe Rinisë 23 Janar 2020-deri në momentin e aplikimit.

52. Bazuar në dokumentacionin e administruar sa më sipër, Komiteti konstaton se kandidati Sonila Kosova ka ushtruar jo më pak se 15 vjet veprimtari profesionale nga ato të parashikuara si kusht për lejimin e kandidimit nga neni 209, pika 6, germa "c" e ligjit nr. 115/2016. Për rrjedhojë kandidati nuk gjendet në kushtet e ndalimit të kandidimit sipas kësaj dispozite.
53. Për sa i përket urdhërimeve të nenit 209, pika 6, germa "ç", të ligjit nr. 115/2016 "Për organet e qeverisjes së sistemit të drejtësisë", të ndryshuar dhe seksionit C të kreut IV, të vendimit nr. 536, date 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit",-ku kërkohet që kandidati për inspektor jomagjistrat, të mos ketë ushtruar në mënyre aktive, profesionin e avokatit të paktën në dy vitet e fundit është kthyer përgjigje nga Dhoma Kombëtare të Avokatisë me shkresën 333 prot., datë 22.12.2021. Në bazë të kësaj përgjigje rezulton se " *Sonila Kosova, ka fituar titullin avokat dhe është mbajtës i licencës me nr. 2829, në vitin 2006. Prej vitit 2018 dhe në vazhdim nuk ka ushtruar profesionin e avokatit, parashikuar nga neni 7 i ligjit nr. 55/2018 "Për profesionin e avokatit në Republikën e Shqipërisë".*
54. Sa më sipër në lidhje me urdhërimet e nenit 209, pika 6, germa "ç", të ligjit nr. 115/2016 "Për organet e qeverisjes së sistemit të drejtësisë", rezulton se kandidati Sonila Kosova, plotëson këtë kriter të ligjit pasi nuk ushtron profesionin e avokatit në Republikën e Shqipërisë, të paktën dy vitet e fundit para kandidimit.
55. Për verifikimin e kushteve dhe kriterëve të tjera ligjore të kandidimit, në zbatim të nenit 209, pika 6, germa "d", "dh", "e", "ë" dhe "f", të ligjit nr. 115/2016, Komiteti shqyrtoi dokumentacionin e depozituar nga vetë kandidati Sonila Kosova, në momentin e kandidimit pranë organit të emërtesës që ka shpallur vendin vakant, si dhe atë të mbërritur nga Drejtoria e Përgjithshme të Burgjeve dhe Autoriteti për Informimin mbi Dokumentet e Ish-Sigurimit të Shtetit.
56. Në nenin 209, pika 6, germa "d" e ligjit nr. 115/2016, si kusht kandidimi përcaktohet që kandidatët "d) të mos kenë qenë dënuar më parë me vendim gjyqësor të formës së prerë për kryerjen e një krimi". Nga dokumentacioni i shqyrtuar, përfshirë certifikatën e gjendjes gjyqësore, që është administruar në dosjen e kandidimit, Komiteti konstaton se

kandidati Sonila Kosova, nuk rezulton të jetë dënuar. Për rrjedhojë kandidati nuk gjendet në kushtet e ndalimit të kandidimit sipas kësaj dispozite.

57. Gjithashtu, lidhur me kriterin e përcaktuar në nenin 209 pika 6, germa "d" të ligjit nr. 115/2016 "Për organet e qeverisjes së sistemit të drejtësisë", Drejtoria e Përgjithshme të Burgjeve me shkresën nr. 13028/1 prot., datë 10.12.2021, jep informacionin se për shtetasin Sonila Kosova "*Rezulton se nuk ka shënime në sistem, nuk ka të regjistruar dënime penale të formës së prerë*".
58. Në nenin 209, pika 6, germa "dh" e ligjit nr. 115/2016, si kusht kandidimi përcaktohet që kandidatët "dh" të mos kenë mbajtur funksione politike në administratën publike, ose pozicione drejtuese në parti politike gjatë 10 vjetëve të fundit përpara kandidimit". Nga dokumentacioni i shqyrtuar, përfshi këtu dhe formularin e vetëdeklarimit, rezulton se kandidati Sonila Kosova, nuk rezulton të ketë mbajtur funksione politike ose pozicione drejtuese në parti politike gjatë 10 vjetëve të fundit përpara kandidimit. Për rrjedhojë kandidati nuk gjendet në kushtet e ndalimit të kandidimit sipas kësaj dispozite.
59. Në vijim të procedurave të verifikimit të integritetit në bazë të nenit 209, pika 6, germa "e", e ligjit nr. 115/2016 "Për organet e qeverisjes së sistemit të drejtësisë", kandidati Sonila Kosova ka dorëzuar në afat formularin e aplikimit "Për informim përpara emërimit/zgjedhjes në poste të larta" parashikuar në ligjin nr. 45/2015, të cilin, formular të cilin Inspektori i Lartë i Drejtësisë ia ka përcjellë për verifikim dhe kompetencë sipas ligjit Autoritetit për Informimin mbi Dokumentet e Ish-Sigurimit të Shtetit.
60. Bazuar në përgjigjen nr. 1886/1 prot, datë 31.12.2021 të Autoritetit për Informimin mbi Dokumentet e Ish-Sigurimit të Shtetit, është administruar vendimi nr.544, datë 29.12.2021, nga ku rezulton se kandidati Sonila Kosova, nuk është subjekt i ligjit nr. 45/2015 "Për të drejtën e informimit për dokumentet e ish Sigurimit të Shtetit të Republikës Popullore Socialiste të Shqipërisë", i ndryshuar. Për rrjedhojë, lidhur me këtë kriter, në zbatim të nenit 209, pika 6, germa "e" të ligjit nr. 115/2016, ky kandidat nuk gjendet në kushtet që mund të sjellin ndalimin e kandidimit.
61. Në nenin 209, pika 6, germa "ë" e ligjit nr. 115/2016, si kusht kandidimi përcaktohet që kandidati "*ë*) të deklarojë se nuk është bashkëpunëtor, informator ose agjent i ndonjë shërbimi sekret, në kohën e kandidimit;
- Nga dokumentacioni i shqyrtuar, përfshirë përfshi këtu dhe formularin e vetëdeklarimit në dosjen e kandidimit, Komiteti konstaton se kandidati Sonila Kosova, nuk rezulton të jetë bashkëpunëtor, informator ose agjent i ndonjë shërbimi sekret, në kohën e kandidimit, në kohën e kandidimit. Për rrjedhojë kandidati nuk gjendet në kushtet e ndalimit të kandidimit sipas kësaj dispozite.
62. Në nenin 209, pika 6, germa "f" të ligjit nr. 115/2016, si kusht kandidimi përcaktohet që kandidatët "f" të mos jenë anëtarë të organeve drejtuese të ndonjë grupi interesi, të tilla si shoqata ose sindikata etj., në kohën e kandidimit". Nga dokumentacioni i shqyrtuar,

përfshi këtu dhe formularin e vetëdeklarimit, rezulton se kandidati Sonila Kosova, nuk rezulton të jetë anëtare e organeve drejtuese të ndonjë grupi interesi, të tilla si shoqata ose sindikata në kohën e kandidimit. Për rrjedhojë kandidati nuk gjendet në kushtet e ndalimit të kandidimit sipas kësaj dispozite.

63. Nisur nga sa analizohet dhe arsyetohet me sipër, bazuar në gjetjet dhe të dhënat e konstatuara gjatë procedurës së verifikimit që rezultojnë nga aktet dhe dokumentacionin që përmban dosja e kandidimit, në interpretim dhe zbatim të ligjit të zbatueshëm për kushtet dhe kriteret e kandidimit për Inspektor jomagjistrat, Komiteti i Emërimit dhe Vlerësimit të Inspektorëve vjen në përfundimin se duhet të vendoset ndalimi i kandidimit të kandidatit Sonila Kosova, në vendin vakant për Inspektor jomagjistrat, të shpallur nga Inspektori i Lartë i Drejtësisë në datën 30.09.2021, pasi kandidati nuk plotëson kriterin e pasurisë sipas VKM nr.536/2019.

PËR KËTO ARSYE:

Në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë" të ndryshuar, pikave 27/b, 28/b, 30, 31, 72, 73, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrin nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë" Komiteti i Emërimit dhe Vlerësimit të Inspektorëve:

V E N D O S I:

1. Ndalimin e kandidimit të kandidatit Sonila Kosova, në vendin vakant për inspektor jomagjistrat, i shpallur nga Inspektori i Lartë i Drejtësisë në datë 30.09.2021.
2. Ky vendim i njoftohet kandidatit Sonila Kosova.
3. Kandidati ka të drejtën e ankimit në gjykatën kompetente, brenda afatit ligjor.
4. Ky vendim publikohet në faqen zyrtare të Inspektorit të Lartë të Drejtësisë.

KOMITETI I EMËRIMIT DHE VLERËSIMIT TË INSPEKTORËVE

ANËTAR

Julian Zonja

KRYETAR

Besnik Maho

ANËTAR

Joana Asimi

